

Universitätsbibliothek Wuppertal

L. Annæi Senecæ Philosophi Opera, Qvae Exstant Omnia

Seneca, Lucius Annaeus <Philosophus>

Antverpiæ, 1615

Widmungsbrief


Nutzungsrichtlinien Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.
Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-466](#)

P A V L L O V.
P O N T I F I C I
O P T. M A X.



B E A T I S S I M E P A T E R,



Longinquis Belgarum oris stilo & affectu Romam venio, & sacris tuis pedibus aduoluor duo allaturus, Gratulationem & Donum. Illam, cum omni Christiano orbe, qui in auspiciis noui Pontificatus exsultat, & talem sibi datum in fluctibus & procellis his rerum, voce, gestu, animo triumphat. Audierant fata duorum Pontificum, nec longo temporum interullo diuisa, & dolebant: sed tui renunciatione allatâ, vidisses subitâ luce vultus illustres, & mutasse lacrimas in gaudia, an & gaudia in lacrimas dicam? Certè in multis ea vis fuit, & merito. nam secunda illa fama virtutum tuarum iamantè sic inualuerat, vt suffragia quidem sacri Collegij apicem huius honoris contulerint, sed vota omnium destinarint. Rara felicitas, iudiciis dignitatem possidere, antequam infulis præferre: & censi Pontificem, nondum esse. O magna vis virtutis! & ô occultum in animis præsigium, qui eò vocabant, quò Deus & merita iam ducebant! Deus, inquam. nam electio tua, quid nisi palam diuina fuit? Non enim de-

liberatione longâ , nec suffragiorum morosâ trutinâ
Pontificatus delatus est , sed impetu & verius instin-
ctu impositus ; & vna ac consentiens vox , quid vocem
dico ? neque ea exspectata est , sed procursus & adora-
tio talem fecit . Agnosco in rebus humanis vim &
regimen Numinis , sed præsertim in arduis ; & quos
sibi proximos constituit , clariore quâdam notâ eligit ,
tuetur , fouet . Te fecit . quem ? à naturâ , à doctrinâ ,
ab vsu eximum ; & sanctimonîâ , castitate , benignita-
te , prudentiâ , quid verba facio ? ab omni virtute sic
conspicuum , vt publica vox sit & confessio , talem
esse debere qui à populis adoretur . Ergo iure gratu-
lamur , & nos etiam Belgæ propriâ quâdam caussâ . Ec-
ce iactamur , ac pænè mergimur , fluctibus armorum
simul & errorum : spes nobis est , & preces porrigi-
mus , ô adiuua . vttere auctoritatē tuâ & Principum , ac
funesta hæc arma poni iube , quæ inualescunt in exi-
tium Europæ . Cuius exiguis quidem , sed potens &
magni in omnes partes momenti , angulus sumus : &
vt hîc facies rerum erit , vereor & prædico (da veniam)
in plerâque finitimâ Europâ erit . Non vocamus ad
seuera , sed ad mitia consilia : Pacem , Pacem ingemi-
namus , & suaue illud nomen , quod non nisi belluæ
adspernantur . Gratulationem igitur vides , B E A T I S-
SIME PATER , sed donum etiam nunc meum offe-
ro & reuelo . En , A N N A E V M S E N E C A M , laudatissi-
sum inter omnes veteres scriptorem , & virtutis stu-
dio pænè Christianum (ita nostri censuerunt) emen-
datum variè & illustratum damus , & deponimus ad
sacros tuos pedes . Libens R O M A M venit , quid mi-
rum

rum est? in vetus suum domicilium & sedem. Ad
PAVLVM: quidni faciat? ad olim etiam familiarem
& amicum. Nam Apostolorum ille alter quod hunc
complexus sit, & ipse illum; et si è scriptis huius parùm
liquidò constat, tamen consensu suadent credere pri-
isci illi nostri & sancti Patres. Suscipe igitur ô summe
Antistes, & Virtutis atque Honesti vnicum præconem,
tu qui illa habes & colis, amplectere, & bono generis
humani (audacter dicam) famam & lucem illi cir-
cumda. Tui hoc arbitrij est. qui attollere & deprime-
re potes; quem Europa, Asia, Africa, quem America
& ipse nouus orbis suspiciunt, & ab oraculo tuo folli-
ci omnes pendent. Nos certè, BEATISSIME P A-
T E R , & affectu iam, quod dixi, congeniculamus; fe-
lices, si præsentibus liceret! Louanij, v. Kalend. Iu-
lias, ∞. 100 V.

